



Boranir eftir jarðsjó á Rosmhvalanesi 1988.  
Sérverkefni í fiskeldi

Þórólfur H. Hafstað

Greinargerð þHH-88-04

## BORANIR EFTIR JARÐSJÓ Á ROSMHVALANESI 1988 Sérverk í fiskeldi 1988

### 1. Inngangur

Hér er lítlega sagt frá stöðu rannsóknaverkefnis um möguleika á öflun jarðsjávar á Rosmhvalsnesi. Þessi athugun tengist öðrum viðlíka víðs vegar um land.

Ráðgert er að ljúka þessum athugunum seinni hluta vetrar og gera þá endanlega grein fyrir niðurstöðum þeirra.

Í greinargerð Lúðvíks S. Georgssonar um viðnámsmælingar á Rosmhvalsnesi er komist að þeirri niðurstöðu, að litlar líkur séu á jarðhita á nesinu. Það er í samræmi við töluvert viðtækar hitamælingar í neysluvatnsborholum í Garði. Hitastig grunnvatns mælist sumsstaðar riflega  $7^{\circ}\text{C}$ , sem að sönnu er venju fremur hátt, en þarf ekki að stafa af jarðhita nærrí yfirborði. Hitastig jarðsjávar mælist meira en  $10^{\circ}\text{C}$ .

Hér á eftir verður aðeins vikið að borun tveggja rannsóknahola, en allir frekari lærdómar sem af þessum athugunum má draga, verða að bíða betri tíma.

### 2. Rannsóknaholur

Boraðar voru tvær rannsóknaholur á Rosmhvalsnesi. Tilgangurinn með þeim borunum var margþættur. Fyrst og fremst má fá hugmynd um gerð jarðlagastaflans með athugun á borsvarfi.

Þá er hægt að leggja mat á lekt jarðlaganna með samanburði á sjávarföllum í holum og við strönd. Þeirri athugun er enn ólokið.

Leitast var við að velja holunum stað þar sem líkur þóttu á að þær næðu niður úr grunnvatnslaginu og ofan í sjó. Það tókst og eru mæliferlar hita og seltu sýndir á meðfylgjandi myndum.

Fyrri rannsóknaholan var boruð 8. september 1988 í landi Gufuskála. Hún er rétt ofan klappa við vörina, og um 20 m frá flóðmörkum. Borun gekk algerlega snuðrulaust og var hvergi vart hruns í holunni. Var því afráðið að láta ógert að fóðra hana með götuðu plaströri eins og vanalegast er. Hún er 62 m að dýpt og boruð með  $4\frac{1}{2}^{\prime \prime}$  lofthamri alla leið. Holutoppur er um 2,5 m langt  $2\frac{1}{2}^{\prime \prime}$  járnror með loki, steypt í klöpp og stendur sem næst metra upp úr jörd.

Samkvæmt hita- og seltumælingum, sem gerðar voru þann 14. september koma mjög glögg skil í ljós á riflega 50 m dýpi. Þar er komið í nær fullsaltan sjó, sem er um  $4^{\circ}\text{C}$  heitari en ferskvatnið ofar í holunni.

Hér á eftir að endurtaka hita- og seltumælingar og einnig verða mældar sjávarfallasveiflur og reynt að leggja mat á lekt jarðlaganna. Þá þykir ráðlegt að reyna að dæla svoltið úr henni til að kanna hvort einhverjar breytingar verða á skilfletinum. Þá þarf að ná sýni til efnagreininga.

Seinni holan var boruð þann 10. september 1988 í landi Útskála. Hún er sunnan vegar við vegamót að Garðskagavita. Einnig hér gekk borun vel, uns komið var á 47 m dýpi, en þar varð stöðugt hrun í gjallkenndu jarðlagi. Ofan þess stóð holan vel og var plastfóðringu því sleppt

sem fyrr, enda komið ofan í jarðsjó.

Alls varð holan 53 m djúp, en þrengist, en er þó mælisfær, neðan við 47 m. Hún er 3 1/2" víð og fóðruð upp úr klöpp með 2,2 m löngu, 4" járnrori.

Hita- og seltumælingar sýna ekki eins glöggan skilflöt og í Gufuskálaholunni, en á 45 m dýpi mælist allt að því fullsaltur sjór.

Hér þarf að endurtaka mælingar, mæla sjávarföll og dæla dálitla hríð úr holunni og taka efnagreiningasýni.


### 3. Framhaldsathugun

Eins og að framan segir verða gerðar mælingar á seinkun og dempun sjávarfalla í rannsóknaholunum tveim. Niðurstöður þeirra gagna verða bornar saman við upplýsingar sem til eru úr borholum á Hólmsbergi og í Sandgerði.

Jafnframt verður reynt að leggja mat á vatnsleiðni bergsins með stuttum tilraunadælingum úr holunum, jafnframt sem sýni verða tekin af vökvum.


Grunnar borholur eru fjölmargar í Garði og verður gerð grein fyrir hita- og seltumælingum í þeim, eftir því sem ástæða þykir til.

Með þessum mælingum er þess vænst að nokkur mynd fáist á það, hverjir möguleikar eru á sjótoku í Gerðahreppi. Eins og málin standa núna virðast þeir möguleikar vera all sæmilegir. Hins vegar er rétt að benda á, að jarðlög neðan við um 20 m dýpi eru ekki eins lek og þar ofan við. Þar af leiðandi má búast við að ekki fáist eins mikil úr sjóholum eins og úr sambærilegum ferskvatnsholum.



1  
-

### Gufuskálahola hitá- og seltumæling



1  
-

### Útskálahola hitá- og seltumæling

